



## INFORMATOR ZA DAVAOCE KRVI

### KOLIKO JE KRVI POTREBNO SVAKOG DANA U CRNOJ GORI?

100 jedinica krvi je potrebno u Crnoj Gori svakog dana! Krv vrijedi koliko i život koji je tom krvlju spašen. Transfuzija krvi spašava živote tek rođene djece, hirurških bolesnika, povrijeđenih, teško oboljelih.

### KO MOŽE DATI KRV?

Krv može dati svaka zdrava osoba, starosti od 18 do 65 godina, nakon obavljenog laboratorijskog i ljekarskog pregleda. Žene mogu davati krv 3 puta, a muškarci 4 puta godišnje. Potrebno je da ispunjava sljedeće uslove:

- Da je osoba zdrava, dobrog opštег stanja
- Teža od 50 kg
- Tjelesne temperature manje do 37°C
- Pulsa između 50 - 100/min
- Krvnog pritiska: ne višeg od 170/100 mmHg i ne nižeg od 110/70 mmHg
- Davalac ne smije biti prehladen
- Davalac ne smije bolovati od bolesti pluća i srca
- Limfne žljezde vrata i pazuha, jetra i slezina ne smiju biti uvećane
- Hemoglobin mora biti iznad 135 g/L (Hct = 0.40) za muškarce
- Hemoglobin mora biti iznad 125 g/L (Hct = 0.38) za žene

Najznačajnije bolesti koje se mogu prenijeti transfuzijom su:

- hepatitis B
- hepatitis C
- sindrom stečenog nedostakta imuniteta – HIV
- sifilis.

Davalac mora prijaviti ljekaru ako je bolovao neke od ovih bolesti ili dolazio u kontakt sa licem oboljelim od ovih bolesti.

### DA LI JE DAVANJE KRVI KORISNO ZA VAS?

Pregledom prije davanja krvi provjerite svoje zdravstveno stanje i saznati Vašu krvnu grupu. Samo davanje krvi blago stimuliše koštanu srž da stvara nove krvne ćelije.

### DA LI JE DAVANJE KRVI BOLNO, RIZIČNO I DA LI STVARA NAVIKU?

Nije bolno i ne stvara naviku. Kratko traje (5 - 7 minuta). Ne postoji nikakav rizik za dobijanje bolesti, jer je cijelokupan pribor za uzimanje krvi sterilan i za jednokratnu upotrebu.

### ŠTA URADITI PRIJE DAVANJA KRVI?

Noć ranije uzeti lagani večeru, ne konzumirati alkohol, odspavati 6 - 8 sati, ujutru popiti kafu, čaj ili sok uz lagani obrok.

### KAKO SE PONAŠATI POSLIJE DAVANJA KRVI?

Tog dana uzimati malo više tečnosti nego uobičajeno, ne izlagati se prekomjerno suncu i izbjegavati teži fizički napor.

### ZAŠTO BISTE VI POSTALI DAVALAC KRVI?

Da bi uvijek bilo dovoljno krvi za one čiji život zavisi od nje. Svakom četvrtom čovjeku je neophodna transfuzija krvi u toku života. Dajući krv, obezbjeđujemo sigurniju budućnost nama samima, našoj porodici, prijateljima.